


Ain Gaystlich Lied / darinn  
 was zu aim waren vnd rechtfach  
 sen Christlichen leben vo nötten  
 gehörig/vnd begriffen  
 ist/in des Berners  
 thon zu singen.

B. \* W. \*



282



1880

**E**n Gots gnad heben all ding an/Wer  
**D**iese gnad recht lernt verston/der würde  
**I**g war was er sinngest: |: Vier dinge er hie  
 mercken würdt/ So er die göttlich gnad er=  
 spürt/ Sein hertz inn freyden springet. Das er  
 sich selbs verlierennist / Unnd alles das auff  
 erden/wie auch sein herre Ihesu Christ/Das  
 er ihm gleych mög werden / Sein leben gibe  
 er willig hin/ dem vatter in dem himel/Dann  
 sterben ist sein gwin.

**D**er glaub der müß zum erstenn sein/Unnd  
 auch die forchte Gottes rein / Ain anfang al-  
 ler weyßhayt: |: Daun durch den glauben mer-  
 cken wier das himelerdt/unnd auch die thier/  
 allain von Gott seind beraytet. Durch den  
 glauben die vächter güt/ hond zeugniss über-  
 kommen/er bstät allain inn Christus blüt/vñ  
 macht die hertzen fromme/ Ja wann er durch  
 dlieb thätig ist/vñ gho:sam biss in tode/gwiss-  
 lich du sälig bist.

**J**a glaubst bald genemt im munnd / D  
 mennsch verstand was ifts im grund/Ain  
 gwise züversichte: |: Der dnung die mann nic  
 lehen kan/wilt du das sichtbar gern verlan/  
 dein sach wÿd gar bald gschlichte. Wacht

vñ reyhtumb bedarff es nit/ Christi nydrig=  
kaytleere / sich an sein füßpfad vnd sein trit/  
damit du Gott kanst ehren. Er nimpt dich an  
zum sun vnd kind / Da bist du new geboren/  
dann glaub ist nit schlecht ding.

**C**Diser glaub müß vil annders sein / weder die  
welt hatt yetz im schein / Mit ihrem falsche  
wohne :|: Sy spricht bald vnd erkenns für  
güt / Christus es alles bezalenn thüt / Seinn  
recht kan ich nit thone. D arme welt du bist  
verwirrt / Dein glaub hatt gar kayn sinne / bi-  
stu das schaff / Christus der hirt / vnd volgst  
nit seiner symme. All ding seind möglich dem  
der glaube / Du hast dir freyheit gnommenn/  
es ist dir nit erlaubt.

**C**D hoffnung das ander volgen ist / das ist al  
lain Herr Ihesu Christ / Der lasst nit zchan-  
den werden :|: Ja wann sie recht geschaffenn  
ghat / Vnnd allwog außs zükünfftig stahrt/  
das ist nit gelt auß erden. Nun merck du wol  
was hoffnung sey / ist nit der welt sprichwor-  
te / dadurch sie dan will sein ganz frey / vnd  
spricht es hab kayn note / Wenn ich nun gute  
hoffnung honn / mein gmüht will ich er khlen/  
die welt mag ich nit lon.

¶ Wilt du ain gute hoffnung han/ das du  
bstast wie der berg Syon/ So müst dein herz  
abschayden :|: Von aller welt sind trug vnd  
list/ So kanst hoffen er sey dein Christ/ Vnnd  
magst mit freyden schaidenn. Von diser welt  
bloß d:ein kommen bist / Du müst auch blosß  
daruone/ lebst auß erden nit wie ain Christ/  
Klain hoffnung würstu hone/ O mensch zu  
deinem sprichwort lüg / Das du nit dort den  
wagen/ vnd ziehest hie den pflüg.

¶ Das drit das ist die liebe schon/ glaub vnd  
hoffnung die würdt zergon/ Vnnd doch die  
liebe bleyben :|: So sie ist vonn ainr rechten  
art/ inn kaynen weg sie sich nit spart/ Sie thüt  
sich selber treyben. Ja wann sie recht im her-  
zen ist/ wie du bekennst mit munnde/ so liebst  
du freijtlich wie ain Christ/ den feynd gleych  
wie den freunde/ du wirst es bey dir finde bald/  
was du nit geren habest/ Baym andern thüst  
dus bald.

¶ Die liebe ist die ganz hauptsumm/ On lieb  
kain mensch kan werden frum/ Es mag ihz  
nit gelingen :|: Wer sie mit ihsen früchten nit  
beweyßt/ wie fast er sich sunnst zannekt vnd  
reyßt/ vnd vil von Gott will singen. Darum

D'mensch syh eben drein / Was dir Christus  
 thü sagen / wilt du sein rechter Junger sein /  
 der lieb thü du nach Jagenn / Dar durch er-  
 langstu huld vnd recht / Wo Gott vnd auch  
 den menschen / Sunst bist ain vnnütz knecht.

**C**Die liebst das sigel vnd band / der Christē  
 Regiment in allem lannd / Wie weyt sie seind  
 zerpreytert :/ Sy herscht so gar inn nydrig-  
 kayt / des sie allweg schadenn leydt / Mit me-  
 mandt zanckt noch streytet. Sy ist ein schloß  
 der brüder güt / Darinn sie werden bhaltenn /  
 Kayn mensch noch seind es gwinnen thüt /  
 Ihr herz inn frid nit gspalten / Die seind alle  
 von Gott erkoren / Wer nit inn liebe wanndelt  
 sein thün ist gar verlorn.

**C**Das vierdt / Gedult müsstu auch hon / Dar-  
 durch erlanget mann die kron / Das ist das  
 ewig leben :/ Glaub hoffnung lieb seind güt-  
 te gab / Aber gedult bringt dich ins grab / Die  
 seind hilfes allwegen. Gedult das ist die  
 rechte kunst / Ain gwer für alle streyte / ja was-  
 ser / schwerdt vnd feires brunnst / Ihr nichts  
 zu schaffenn geytte / Darumb merck wol ja  
 was ich sinng / Du darfst nit weyter fragen /  
 gedult über windt allding.

**D**amit ichs hie beschliessen will / Ain ye-  
der irag / Sein creutz in still / es würrt nicht an-  
ders drausse : ]: Wer nit der welte freund will  
sein / so schlegt sie bald mit feinstē dreyn vnd  
spricht mit ihm hinawse. Darumb iher lie-  
ben brüder all / hond gedult auff diser strasse /  
wir seind doch bald durchs jamerthal / Wie  
woldas fleyfch achts grosse / Gott geb das es  
müss gho:sam sein / Es lech sawr oder süsse /  
bis in die grüb hinein.

**D**em aming Gott sey lob vñ ehr / aim Chri-  
sten zimpt die burdenn schwer / Das joch auff  
seinem rucken : ]: Den rechte preyß man suchen  
soll / O mennsch du verstenndest es wol / ließt  
dich geren vñdertruken. Was rümhestu dich  
du aßch vnd kot / dein in wendigs ist verworf-  
fenn / du mainnst du lebst bist aber tod / Deine  
ehr wüsst gar nit dörffenn. Drumb du dich  
bald von hoffart wennd / mein radt geschicht  
aufsliebe / wiles thün / So sprich Amen.

Gedruckt zu Augspurg / durch  
Marcis Raminger,

288

